

Дорхой Гүдэ гэхүүрү сипсея дүмон
Эз бэхтү лан зүтэ рарди эз килон
Мэтлэбтой эн дүлмү нэ бисдо толом
У рузэ эри түү ки нүбүст, Заур?

Эдгэйнэ кайрја сохд, хэлэрхо кайрист,
Мэрд кайрист, зэн кайрист, кэзилхо кайрист.
Сэбтэ эшэб харусд, кэрс чүм нэ појист,
У рузэ эри түү ки нүбүст, Заур?

Э јөн Нимаз дүрүм ја зэн чүкүрэ,
Эдэй нохли-нохли кэрс тийи сохдэ.
Түрсн: - Эхн Заур, э дэстэ нэдэ?
У рузэ эри түү ки нүбүст, Заур?

Вокундэ Нимазхо до бэмэ - бэмэ,
Бэбэрэ тоё сохди э тийи эн хэлэ,
Эри түү тоё барадт эз хиккэ сэнэ.
У рузэ эри түү ки нүбүст, Заур?

Худојтүү, - наиданки дүлү лан дүнчи,
Сохдэ миевохойтүү эбэ рардт, эхн?
Эрүү залуи Худо кэ түрэ биэи?
У рузэ эри түү ки нүбүст, Заур?

Э чүм эн јэкилуи кэрс нэ долунди,
Эз фикер, эз хэлэ кэмэ волунди.
Эбэ гејб бистори, эбэ долунди?
У рузэ эри түү ки нүбүст, Заур?

Нэзник бу тэмдүм мартэ тэзүр бу бэхн түү,
Эдгэј, э хэлэр нэ расунди түү.
Војисдэни түрсү дэдэја эз түү,
У рузэ эри түү ки нүбүст, Заур?

Александр Абрамов.